

Veteran Umno minta ahli bersederhana

BH- 12/5/2007

KUALA LUMPUR: Persatuan Veteran Umno Malaysia yang melakukan pertemuan dengan Presiden Umno, Datuk Seri Abdullah Ahmad Badawi di sini, semalam meminta pemimpin dan ahli Umno tidak menunjukkan sikap keterlaluhan dalam perjuangan sebarang isu.

Pengerusinya, Datuk Tajudin Ali, 84, berkata pandangan itu dikemukakan kepada Abdullah yang juga Perdana Menteri pada pertemuan selama dua jam, demi kepentingan semua kaum dan kesejahteraan negara.

“Pandangan kita secara umum dan meminta setiap ahli Umno sekarang terus berjuang demi bangsa, agama dan negara.

“Kita tidak boleh bersikap ekstrem atau keterlaluhan, demi kebaikan kaum dan negara,” katanya pada sidang media selepas pertemuan dengan Abdullah di Ibu pejabat Umno di Menara Datuk Onn, Pusat Dagangan Dunia Putra (PWTC), di sini, semalam.

Seramai 22 ahlinya hadir pada pertemuan itu. Persatuan itu ditubuhkan Mei tahun lalu di Ipoh, Perak dengan keahliannya dibuka kepada ahli Umno berusia lebih 60 tahun.

Tajudin berkata, dalam pertemuan itu, Abdullah memberi penerangan mengenai pelbagai isu semasa berkaitan pembangunan sosioekonomi dan politik.

Katanya, Perdana Menteri turut meminta veteran Umno agar sama-sama memainkan peranan memperkukuhkan Umno serta kuasa politiknya.

Beliau berkata, Abdullah juga memberitahu segala masalah teru-



TUKAR PANDANGAN: Abdullah bersalaman dengan Ketua Penerangan Veteran Umno, Datuk Mohd Zaid Sirat sambil diperhatikan beberapa pemimpin persatuan itu di Menara Dato Onn, di Kuala Lumpur, semalam.

“Pandangan kita secara umum dan meminta ahli Umno terus berjuang”

Tajudin Ali

Pengerusi Persatuan Veteran Umno Malaysia

tama berkaitan kaum harus diselesaikan secara berhati-hati.

“Kita tertarik hati dengan pandangan beliau dan pesanan seperti ini pernah diberi Tunku Abdul Rahman (Perdana Menteri pertama), nasihat diberi seolah-olah macam diberi Perdana Menteri kepada anaknya sendiri,” katanya.

Tajudin berkata, veteran Umno se-

bagai orang lama berharap agar generasi muda Umno dapat mengene-pikan apa juga kepentingan sendiri dan bersikap sederhana dan sentiasa bekerja kuat untuk parti, bangsa, agama dan negara.

“Jika dulu datuk nenek kita boleh bersatu kenapa tidak anak kita demi kepentingan bangsa dan negara,” katanya.